


TUS KAB MOB HUMAN PAPILOMA (HPV)



HPV yog ib tus mob sib kis tau zoo heev uas kheev pom muaj nyob hauv teb chaws Meskas. Tus mob no sib kis tau los ntawm daim tawv nqaij chwv tawv nqaij. Nws muaj tshaj ntawm 150 hom kab mob HPV, uas muaj txog 40 hom ua tau mob. Yuav luag txhua tus txiv neej thiab poj niam yuav tau tsawg kawg ib hom ntawm tus mob HPV hauv lawv lub neej. Muaj qee hom HPV ua tau cov pob cos nplooj hauv qhov chaw mos thiab ua tau mob khees xaws rau lub ncauj tsev me nyuam, txiv neej qhov chaw mos, poj niam qhov chaw mos, lub ncauj qhov quav, thiab lub caj pas (qa).

Dab tsi ua rau muaj tus mob?



- ▶ Tus mob HPV yog muab tis lub npe rau cov pob cos nplooj (papillomas) uas qee hom ntawm HPV ua rau muaj tus mob.
- ▶ Tus mob HPV yog kis tau los ntawm daim tawv nqaij chwv tau daim tawv nqaij ntawm ib tus neeg uas muaj tus mob HPV. Tus mob no yeej kis tau thaum uas ib tus neeg muaj tus mob tsis pom nws muaj cov cim los yog cov tsos mob li.
- ▶ Muaj tej thaum tus mob HPV kuj ua tau cov pob cos nplooj rau hauv qhov chaw mos los yog khees-xaws.

Dab tsi yog cov cim qhia tias yog tus mob thiab cov tsos mob?



- ▶ Cov pob cos nplooj hauv qhov chaw mos kuj yog ua tej lub me nyuam pob los yog cov pob rau hauv thaj tsam qhov chaw mos. Cov pob no yuav yog ib cov me me los yog loj, su los yog tiaj ntees, los yog zoo li ib lub zaub paj dawb cauliflower.
- ▶ Cov neeg feem coob uas muaj tus mob HPV yuav tsis pom muaj cov cim los yog cov tsos mob.
- ▶ Feem ntau, tus mob HPV yuav ploj mus nws tus kheej yam tsis ua rau muaj teeb meem mob dab tsi. Nws tsis muaj qhov yuav paub tau seb ib tus neeg tus mob yuav loj mus ua ib tus mob hnyav.

Cov kev kho tus mob yog li cas?



- ▶ Nws tsis muaj ib txoj kev kho rau tus kab mob no. Tab sis li cas los, nws kuj muaj cov kev kho rau cov teeb meem mob uas yog tus kab mob HPV ua rau mob.
- ▶ Koj tus kws kho mob kuj yuav pab kho tau cov pob cos nplooj hauv qhov chaw mos los yog ua ntawv mus yuav tshuaj los kho tus mob.
- ▶ Tus mob rau lub ncauj tsev me nyuam ua ntej mus ua mob khees xaws kuj yuav kho tau. Cov kev tshuaj xyuas lub ncauj tsev me nyuam yog txoj hau kev zoo tshaj plaws los mus nrhiav pom tus mob uas ntej nws loj mus ua tus mob khees xaws.
- ▶ Lwm cov kev kho tus mob khees xaws HPV kuj muaj xws li phais tus mob, tso sab hluav taws xob, thiab/los yog tso tshuaj khes mis.

Yuav tiv thaiv li cas thiaj tsis kis tau tus mob?



- ▶ Mus txhaj tshuaj tiv thaiv tus mob HPV. Kev txhaj tshuaj no kheev yog pom zoo kom txhaj ob koob rau cov tub thiab cov ntxhais hnuv nyoog 9-15 xyooos thiab peb koob thaum muaj hnuv nyoog 16-26 xyooos rau txhaj kom puv.
- ▶ Hom tshuaj txhaj HPV yog tiv thaiv tus mob khees xaws.
Nco ntsoov tham nrog koj tus kws kho mob hais txog kev txhaj tshuaj rau koj tus me nyuam tawm tsam tus mob HPV ntsig txog cov mob khees xaws.

Yog xav paub ntxiv txog hom tshuaj txhaj no, thov mus saib: <https://www.cdc.gov/vaccines/hcp/vis/vis-statements/hpv-gardasil.html>

BUREAU OF COMMUNICABLE DISEASES

<https://www.dhs.wisconsin.gov/dph/bcd.htm> DHSDPHBCD@dhs.wi.gov

Wisconsin Department of Health Services | Division of Public Health

